



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Indica mihi quem diligit anima mea, ubi pascas, ubi cubes in meridie: ne
uagari incipiam per greges sodalium tuo[rum].

urn:nbn:de:hbz:466:1-34445

RVP. IN CAN. CANT. CAP. I.

Gen 10. 21

sunt uinæ domini. Posuerunt inquam, id est, ut ego ponerer, effecerunt per incredulitatem suam. Non enim ego prior illos, sed ipsi priores me repulerunt, & custodia mea sese indignos ita dicauerunt. Igitur iusto iudicio tales matris meæ filios reliqui & uineam meam non custodiui, gentem meam non adiuui, non defendi quæ uenirent locumque & gentem tollerent Romani. Putauerunt, quod si me repulissent, errare deberem in solitudine, sicut Cedar uel sicut Agar. Verum non ita est. Pro una uinea, quæ debuit esse mea, utpote gens mea, sanguis meus, & caro mea, multas uineas acquisiui, multas ecclesias in gentibus dilataui, quæ omnes custodiam meam habent, & habere desiderant, de meritis meis præsumentes, de intercessionibus meis confidentes, & pro huiusmodi custodia clamantes ad me iugiter. Hæc ad filias Hierusalem elocuta, quales refugit (ut supra iam dictum est) ne consideraretur ab eis, & inueneretur in utero habens, in illa frequentia uiuentium ad Elizabeth, ut congratularentur ei: mox ad dilectum conuersa dicit.

¶ Indica mihi quem diligit anima mea, ubi pascas, ubi cubes in meridie: ne uagari incipiam per greges sodalium tuorum.

¶ Sensus uocis huius quærenti, nec dubitanti mihi, quin ueraciter congruat tantæ tamque beatæ uirgini, magnum & mirum sese ingerit, & aperit sacramentum illius euangelicæ lectionis.

Cum factus esset Iesus annorum duodecim, ascendentibus illis Hierosolymam secundam consuetudinem diei festi, consummatisque omnibus, cum redirent, remansit puer Iesus in Hierusalem, & non cognouerunt parentes eius, & cetera usque, & dixit mater eius ad illum, Fili, quid fecisti nobis sic, Ecce pater tuus & ego dolentes querebamus te. Quid enim? Nunquid casu gestum est, ut puer Iesus remaneret in Hierusalem & parentes eius illum esse in comitatu existimarēt, requirerent inter cognatos & notos, & non inuenirent, regressi in Hierusalem requirentes, post triduum inuenirent, non quomodo cunque uel ubicunque, sed in templo sedentem in medio doctorum, audientem illos, & interrogantem: Nunquid hoc Euangelista tam diligenter scriberet, nisi rem sacramenti plenam esse sciret? Sunt & alia multa (inquit Ioannes) que fecit Iesus, quae si scribantur per singula, nec ipsum arbitror mundum capere eos, qui scribendi sunt, libros. Si sola spectes rem gestam: quantum est hoc inter alia tam multa, ut illis omissis ab Euangelista non deberet omitti? Uigitur & in uoce ista indica mihi quae diligit anima mea, ubi pascas, ubi cubes in meridie, & in illa re gesta, qua dixit eadem diligens & dilecta, Fili quid fecisti nobis sic? ecce pater tuus & ego dolentes querebamus te: unum idemque mysterium spectare iura. Quid enim est comitatus de die festo redemptium, nisi frequentia uel ritus caeremoniarum iudaicarum, caeremoniarum carnalium? Ista namque, mandata uitae non praecesserunt, sed comitatae sunt, & si rite consideres legis ordinem, postquam praepcepta bona data sunt, quae faciens homo uiueret

Luca, 2.

Ioan. 21.

Myfteriū
de abolen-
dis caer-
monijs Iu-
daeorū.

RVPERTI IN CANT. CANTIC. CA. P.

Leui. 18
Ezec. 20.
Exo. 32
Actu. 15

in eis, ista carimoniae praecipua non bona, in quibus non uiuerent, a reatu uituli sumpserunt initium, & hoc erat iugum grauissimum, quod neque nos (ait Petrus Apostolus) neque patres nostri portare potuimus. Super his magna conquisitio futura erat, & facta esset: sicut in actibus apostolorum legimus. Et quidam descendentes de Iudaea, docebant fratres, quia nisi circumcidamini, non potestis salui fieri, & quia oportet praecipere, seruari legem Moyse. Hoc erat, parentes Iesu existimantes, Iesum esse in comitatu. Sed non erat ibi Iesus. Imo erat, & esse illum oportebat in medio doctorum, audire & interrogare uerba uitae. Hinc per Hieremiam prophetam fuerat praedictum.

Hiere. 7.

Quia non sum locutus cum patribus uestris, & non praeci eis in die qua eduxi eos de terra Aegypti, de uerbo holocaustorum & uictimarum: sed hoc uerbum praeci eis, dicens: Audite uocem meam & ero uobis deus, & uos eritis mihi populus: & ambulante in omni uia quam mandauit uobis: subauditur

Exod. 20

in monte Oreb, ante reatum uituli, ubi iustificationes & praecipua uitae dedi, scripta in tabulis digito dei. ¶ Horum discernendorum utique magistrum te esse oportebat o beata Maria, & magistra magistrorum. i. apostolorum, iuxta illud: Fons hortorum puteus aquarum uiuentium, quae fluunt impetu de Libano. An quia spiritus sanctus illos docuit, iccirco tuae uocis magisterio non illis opus fuit? Imo uox tua uox illis fuit spiritus sancti, & quicquid supplementi opus erat eis mortalibus, uel testimonij, ad confirmandos singulorum sensus quos acceperant ab eodem spiritu, diuidente sunt

Cant. 4

1. Cor. 12.

gulis, prout uult, ex religioso ore tuo perceperunt, instructo ad loquendum, bene composito ad tacendum, prout tempus erat oportum. An quia loco supra memorato de actibus postolorum ubi facta seditioe propter caerimonias Iudaicas conuenerunt apostoli & seniores, uidere de hoc uerbo, nullam tui mentionem scriptura fecit, iccirco putandum est, quod conuentus ille te omiserit, & sanctum de tuo pectore de tuo ore spiritum non consuluerit? Imo & illic & in caeteris agendis tu princeps, omnem soluisti quaestionem: ita tamen, ut non clamares, neque contenderes, neque audiretur uox tua foris: quia (sicut ante nos dictum est) tu sola es uirgo quae uniuersam haereticam prauitatem interemisti. Dixeris ergo: Indica mihi quem diligit anima mea, ubi pascas, ubi cubes in meridie: ne uagari incipiam per greges sodalium tuorum. Indicari tibi flagitabas, ut alijs indicare scires. Sed dico: Nunquid nesciebas? Nunquid quod prophetae scierunt, tu ignorabas? Utique nescires: nisi desuper indicatum tibi fuisset. Et deus tuus filius tuus praesciebat, quod resurrecturus esset a mortuis: & tamen in persona eius Psal mista dicit: Tu autem domine miserere mei, & resuscita me, & retribuam eis. ¶ Dicat aliquis: Quid ergo est quod in supradicto loco Euangelij, dum ista significarentur, dixit: Fili quid fecisti nobis sic, ecce ego & pater tuus dolentes quaerebamuste, & caetera usque, & ipsi nihil horum intellexerunt? Adhaec inquam: Et quod illud est, quod Euangelista continuo intulit: & mater eius conseruabat omnia uerba haec, conferens in corde suo? Igitur ecce duo quasi repugnantia.

Actu. 15

Esai. 42.

Psal. 40.

RVPERTI IN CANT. CANTIC. CA. I.

Si enim non nesciebat, quomodo quærens dolebat: dolens quærebat: Si autem nesciebat, quomodo uel quibus in corde suo conferebat: Ergo neq; a dextris, neq; a sinistris sermo sit, quia ueraciter magna hæc prophetissa, quid ageretur nõ ignorabat, quoniam gratia plena erat: & tamen dolens quærebat, quoniam dispensationi diuina ipso suo silètio seruiens, quamuis cum illis quærentibus quæreret, tempus tacendi custodiebat, & dolentibus condolebat, Quomodo autem dicenti, indica mihi, responsum est ex persona dilecti: Nam & per cunctatio & causa per cunctationis, melius cū responsione explanari poterit.

¶ Si ignoras te o pulchra inter mulieres, egredere & abi post uestigia gregum: & pascce hædos tuos iuxta tabernacula pastorum.

Pulchritudo Mariæ,
fides & Chumilitas.

Rom. 10.

¶ O pulcherrima mulierum, o benedicta inter mulieres, cuius pulchritudo bñdictio est, citius pulchritudo ipse benedictus fructus uentris tui est, talis ac tanta causa tua est, ut si teipsam non ignores, statim scias illud quod quæris, dicens: Indica mihi, ubi pascas, ubi cubes i meridie: nec uerendum tibi sit, ne uagari incipias per greges sodalium meorum, id est, per conuenticula quæ fiunt circa cathedras siue doctrinas scribarum & pharisæorum, qui sese mihi sodales siue pares faciunt, qui in cærimonijs suis iustificari uolunt, qui suam quærentes statuere iustitiam, iustitiae dei, quæ Christus est, subiecti non sunt. Quid enim? Vnde pulchritudinem istam acquisisti, ut sis pulcherrima mulier: ex fide & humilitate.